

贛縣志卷之四

營建志

設險固圍金湯甫繕茅茨風邈署宇維絢爰飭
庾廡經營釋奠亭閣空名枉梁勿濺趨事以時
勞斯弗倦志營建第三

城池附郭

晉康帝永和五年郡守高琰初建郡城於章貢二水
間八門曰正南興賢西津百勝建春湧金朝天

贛縣志

卷四

營建

安教縣城池附

義熙二年徙郡城贛水東今城池專屬縣

南宋武帝永初元年改郡為南康國城於雩都城池
專屬縣

梁承聖初復徙章貢間城池仍附郭

唐刺史盧光稠斥廣其東西南三隅鑿隍又增五門

曰永平後津永通貢川奠川

宋嘉祐四年州守孔宗翰以東北隅易墜石治

錮之

紹興二十四年知縣黃文暘詳州守趙繼善增修
城堦

嘉定十七年知縣趙汝盥申請州守鄭性之浚濠
加葺

元初詔天下城池無修俱就毀墮至正癸巳四方兵
起達魯花赤同監部全晉菴撒里乃復增築戊
戌秋九月僞漢兵圍五閱月城陷僞將熊天瑞

贛縣志

卷四

營建

二

據之復加脩理

明高皇帝洪武乙巳指揮楊廉重修

成化乙巳知縣黃銀同知府李璉復修城浚池

弘治癸丑知縣黃世忠同知府周鳳修

弘治丙辰虔撫金公澤檄知府何琬知縣蔣曙增
高三尺

正德辛未虔撫周公南檄知府朱諫知縣宋瑤繕
治一新周廻十三里共二千五百一十二丈崇

三丈廣殺崇六之一爲高舖六十三雉堞四千九百五十有二三面引水爲濠自西津門起至鎮南門計長五百五十二丈濶一十三丈自南門至百勝門止計三百八十五丈塞其七門口永平後津朝天永通貢川安教吳川開者六門東百勝南鎮南興賢西西津東北建春湧金各建樓其上門內各置兵馬司盤詰

正德乙亥春雨圯一千三百餘丈

贛縣志

卷四

營建

三

戊寅夏久雨圯六百三十八丈知縣宋瑤詳上
虔撫王公守仁脩補完備

嘉靖甲午知縣毛鳳岐詳虔撫陳公察埤薄增卑
益增舊觀逾年告成費帑金七千有奇尚書羅
欽順祭酒鄒守益記之

嘉靖丙辰大水傾塌甚多知縣王秉敬詳府王春
復虔撫汪公尚大修

壬戌虔撫陸公穩開興賢門形家言開是門有

關風水

萬曆丁未各城樓舖頽塌知縣陸文宰詳府陸化
淳虔撫李公汝華修費帑金九百七十有奇
甲寅大水建春湧金盡倒塌虔撫孟公一脈發
帑金四百七十兩知縣楊汝昇修

丙辰復遭洪水城圯者十有三回又發帑金一
千九百五十三兩知府楊瑩知縣楊汝昇修

天啟元年春夏霪雨衝壞如丙辰知縣劉永基申

顛縣志

卷四

營建

四

請知府余文龍虔撫周公應秋動支關上稅銀
一千九百八十三兩脩

崇禎十三年虔撫王公之良檄知縣陳履忠易雉
堞爲平埒合二爲一增高三尺

國朝順治三年建春湧金西津各樓俱焚

順治乙未知縣黃里詳知府郎公永清脩復建春

西津二樓

康熙癸卯有瘋僧潛望江樓上一夕羣火焚樓

臺姚公自強修建

丙辰丁巳各處傾圮是時三藩叛山寇竊發知縣郭毓秀詳撫憲佟公國禎道憲王公紫綬各捐資倡督民工脩葺

謹按作事使民必以其時謂築都邑城郭也以都邑者人之聚也國家之藩衛百姓之保障不固不修無以衛矣贛係附郭城圯必檄合屬十二邑從役旣亦必於農隙修備易曰王公設險言

贛縣志

卷四

營建

五

守之豫也傳曰衆志成城言民之依也詩曰哲夫成城言政之和也故守固本於民依民依又本於政和蒞茲高深尚其念諸

公署

縣治在城東北按宋瑤記舊在白家嶺

元大德亡亥改卜今治

至順壬辰秋總管大中教化的新之

戊戌災

洪武甲辰知縣崔天錫重建

丙辰知縣陸賢增脩堂階廳舍煥然重新

宣德壬子知縣李素景泰甲戌知縣邵昕相繼重修

弘治辛亥知縣黃世忠鼎建

嘉靖壬午知縣何正脩葺中爲堂扁曰忠愛左爲幕廳兩翼爲八房中豎戒石亭爲儀門東爲土地祠迎賓館西爲犴獄外爲頭門左右榜亭前

贛縣志

卷四

營建

六

爲屏墻左爲申明亭右爲旌善亭西虔南首邑坊後爲皆春堂左右爲架閣庫又後爲廨舍

國朝順治丙戌大堂前後左右房科閣庫俱燼止存

後署二小棟

己亥知縣楊文正鼎建大堂

甲辰知縣王枚繼修

康熙辛酉知縣劉瀚芳於署西鼎建西廳房舍癸亥又建宅門後堂規模較前更宏厥矣

縣治左縣丞典史廨丙戌燬燼今地基多為民占
右主簿廨燬燼今地基尚存

公署載府志

康熙三年合邑士民捐置公署在湧金門內

雜署

長洛巡檢司原在大由鄉長洛明正德間遷黃金
舖係郭宅地基久奉裁今地基郭宅出價贖回
桂源巡檢司原在雲泉鄉桂源舖明正德間遷攸

賴縣志

卷四

營建

七

鎮寇焚存空地

磨刀巡檢司原在長興鄉磨刀舖明萬曆年間遷

愛敬鄉石院

扼塞

下窰隘

文潭隘

俱在縣南界信豐

兜坑隘在縣西

娑娑隘

在縣北西坑

廟前隘

在縣西北道通龍泉

謹按古者相地界要害之處遂設立一隘仍置一

廨宇擇選本隘一忠實精壯之人給以冠帶命

司隘官崇禎年間即廢置不有矣

陰陽學 醫學 僧會司 道會司

俱久廢今各就住所任事

攸鎮驛 水西驛 合俱空地 驛官隨寓城內

急遞舖 總舖在府前

通零都曰鄒屋 黃龍 江口 苧州

通興國自江口分路曰磨刀 麂灘 石院

通信豐曰沙石 藥荻 牛輓 苦竹 王富

穎縣志 卷四 營建 八

大龍 垵頭

通安遠自牛輓分路曰子母 武泰

通南康曰黃金 三總

通萬安曰水西 珠嶺 火澇 石下 長步 楊

坑 南田 瀝沐 古逕 仙石 新坪 蕉

林 桂源 詩浮

預脩倉四處東倉在七里鎮南倉在苑田西倉在赤

珠嶺北倉在大坪頭俱洪武丙寅建

一座在虔院左名老倉前今亦廢為射圃明崇禎十四年知縣陳履忠建社倉於塔下寺前今收糧

明輸穀備賑一千石以上柱枋旌表義民姓氏

郭文斌良富 呂彥文城內 郭執桓良富

黎金球梅林

養濟院舊在忠惠坊弘治間知縣何文縉改創於城

外天竺山署其門曰春風不擇只頭地仁政先施

此樣人後徙城內廉泉崇禎辛巳知縣陳履忠鼎

贛縣志 卷四 營建

建廉泉書院遷小南門城下

漏澤園四處一在城東坊地名竹掃巷縱一十七丈

橫八丈原係官地一在南門外縱二十一丈橫二

十八丈係王都御史守仁檄知縣宋瑤買本坊民

羅志隆謝聰池通遜地東至李家墳西至官濠南

至鄒家屋基北至官路一在水東坊東雷巷一在

苑田者係知府戴記新置

泰昌元年錢都御史桓置潤枯園于城外東坊二號

凡三處一買潘可選地在竹箒園計長一十六丈
廣八丈一買郭尚義王祐地在天花園計長一十
二丈廣七丈下廣十丈一買孫橋孫松地在上打
鄉計長一十五丈廣六丈

謹按養濟院所以養及疲癯殘疾繄獨無告者乃
有稱爲院長冒領錢糧減尅分給甚則價買盲
跛之人勒令叫街計日額交銀米稍不如數鞭
笞交加院長由此致富嘗以百千金錢轉貸生

息而盲跛之苦日則叫乞夜則受笞隱忍莫訴
是以養殘疾者害殘疾也義塚所以便往來流
寓及土著窮民使得安厝無暴露也致有混占
冒醮之弊甚或以異地而訟及土著是本以義
舉而反生不義之事至若倉庾以備荒也豐稔
聚之或非樂輸凶荒散之或無實惠是在行之
得其道使民見德而不見弊斯無負先王立法
之美意歟

論曰古聖王之念切民瘼者無不至矣置積儲以
備荒早設養濟以恤災獨其爲斯民之生者計
甚周也其或流寓無告胔骼暴露又必置園地
以掩之則澤枯之意又何厚歟但良法旣立相
繼舉行又洞囑弊端毋令以仁民者厲民則行
法之渙仁厚澤較諸立法之剗制美意更無餘
憾矧贛邑登遭兵燹凶荒蕩臻其顛連無告者
不知凡幾推類以及之爲之詳荒缺免賠贖俾
生者不復流離而歿者不致暴露則又不僅特
乎有盡之良法也